

लईका मन बर बाईबिल
प्रस्तुत करत हवे।

दाउद, एक
ठन चरवाहा
दुस



लिखे गए हवे। : Edward Hughes
उत्साह बढ़ाए गए हवे। : Lazarus
चयन करे गए हवे। : Ruth Klassen
Alastair Paterson
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।



अड़बड़ बेरा आघु, इसराइल राजा साउल के दिन म, दाउन नाव के एक ठन टुरा अपन सात भई मन के संग म अपन ददा के भेड़ी ला जोगे बर मदद करत रहिस। जबकि ओहा सबले छोटे रहिस, पर दाउद, एक ठन मजबुत, बहादुर अउ भगवान ला मया अउ ओकर उपर भरोसा करत


रहिस। ओमन जम्मो बेथलहम के एकठन शहर म रहत रहिन।




एक दिन एक ठन बघवा नानकुन भेड़ी ला खाय बर गोहड़ा म घात करिस। लईका दाउद हा घात करोइया उपर हमला कर दिस। भेड़ी ला बचाय कर पाछु, ओहा उ भयंकर गरजय बाला पशु के जबड़ा ला धरिस अउ ओला मार डारिस। दाउद जानत रहिस कि भगवान हा ओखर मदद करय रहिस।



समुएल, भगवान के भगत, अभो घलो
राजा साउल ले दुखी रहिस जोन
खीक अकन ले भगवान के योजना
ला बिफल करय रहिस। भगवान हा
सामुएल ला फअकारिस, "कब तक
तय साउल बर दुखित रहिबे ?"



“मय तोला यिसय करा भेजत हावय ... काबर कि मय हा तेउन मन के बेटा म ले एक ठन ला राजा चुन दारे हव” यिसय दाउद के ददा रहिस। जबकि समुएल ला ये पता रहिस कि जदि ओहा नावा राजा के खोज म जाहित, राजा साउल ओला जान ले मार सकत हे, ‘फेर घलो पइंगबर हा भगवान कर गोठ ला मानिस।





जब समुएल उंहा पहुंचिस, यिसय अपन सातों बेटा मन ला सामुएल के आघु आय बर कहिस। समुएल हा यिसय ले कहिस, “यहोवा हा इ मन ले कोन्हो ला नई चुनिस हावय” अब खाली दाउद, सबले छोटे बेटा बहाच गय हे। ओहा भेड़ी मन के संग म बाहिर गय रहिस। दाउद ला भीतरी म आनिन। अउ यहोवा हा कहिस, “इच हा, हावय, उठ, ओला राजतिलक कर।”



साउल के महल म ले परभु के आतमा साउल ला छोड़ के चल
दिस अउ अब ओहा एकठन अब्बड़ परिसान मनखे हो गिस। ओखर

करमचारी मन सोचिन साइद बने गीत हा

साउल के मन ला सांत करे सकत
हे। उंकर म ले एक ठन, कोन्हो

जुआन ला जानत रहिस जोन

ला अब्बड़ बने अकन ले
बीना बजाय आत रहिस।

आप मन ला का लागत

हे कि ओ जुआन


कोन रहिस, अनुमान

लगावव ? हाहो, ओहा


दाउदेच रहिस।



दाउद के गीत हा साउल ला सांत करिस
अउ सही सोचय बर ओला मदद करिस ।
साउल हा यिसय ला दाउद ला राजा के
सेवा म रहे बर मांगिस । जब कभु घलो
साउल ला निरास या डर के दउरा परे,
दाउद हा ओकर बर बीना बजाइस
जेखर ले साउल ला
अड़बड़ मदद मिलिस ।



जब दाउद अपन घर चल दिस तब, साउल पलिस्ति मन के संग
एक ठन बड़खा लड़ाई लड़ीस। दाउद के भाई साउल के सइना
अंगत ले लड़ीस। यिसय दाउद ला ओकर भाई मन करा भैजिस
ताकि तेउन मन बर जेवन ले जाय अउ पता लगाय कि ओमन
लड़ाई के मइदान म कइसे हावय।



एक ठन अब्बड़ बड़खा पालिसती ... जब्बड़ बड़खा, गोलियात, सब
इसराइली सइनिक मन ला डरा के रहिस।



“अपन बर एक ठन आदमी ला चुन लेवव, अउ ओला मोर करा आन देवा।” गोलियत चिरलाईस। जदि ओहा मोर संग लड़ही अउ मोला

मार डारहि, त हमन सबो सब्बो दिन बर तुमहर गुलाम हो जाबों। लेकिन जदि ओला मार डारहु, “त तुमन ओकर कमिहा और सब्बो दिन हमर सेवा करिहा”। इसराईल

के जम्मो आदमी

मन जब ओला

देखिन, ओ बिसाल

आदमी ला देख के


ओकर करा ले भाग

गिन अउ अब्बड़

डरा गिन।




तब दाउद हा साउल ला कहिस, "ओकर कारन
अतकी डराय के गोठ नई हे, अपन इ दास ल जान
देवा, मय हा इ पलिस्ती के संग लड़िहां।" साउल
चाहत रहिस कि दाउद कवच पहिरे अउ एक ठन
तरवार के संग जाय। ऐखर बलदा, दाउद हा अपन
गुलेत ला लिस अउ नाला म ले पाँच ठन चिकन
पथरा ला उठाईस।




जब ओ टुरा दाउद ला गोलियत हा कवच के बिना देखिस, तब
हाँसिस। ओहा गरजत असन कहिस, “मय आगास के चिरई मन अउ
मइदान के पसुमन ला तुहर शरीर ला
खाय बर दिहां।” दाउद हा जुआब


दिस, “मय तुहर करा परभु के
नाव ले आत हावव। आज
कर दिन यहोवा तुमन ला
मोर हाथ म कर दिही ...
काबर कि येहा लड़ाई
यहोवा कर हावय।”



तब दाउद सीधा
गोलियत अंगत
भागिस। दउड़त हवय,
ओहा अपन गुलेल ले
एक ठन पथरा निकाल
के – गोलियत के
माथा म मारीस।
गोलियत गिर गिस।





दाउद झट के जब्बड़ तरवार खींच के ओखर
घेंच ला काट के अलगा कर दिस। जब
पलिस्ती गोलियत ला मरे देखिन, ओमन
अपन जीनगी ला बचाय
बर भाग गिन।



राजा साउल ला येहा सुरता नई रहिस कि येहा ओहीच दाउद हावय जोन ओखर बर बीना बजात रहिस। तेउन हा दाउद ला

अपन सइना के मुखिया बना दिस—अउ जब मनखे दाउद के जीत ला सनमान करिन, तब ओहा जलन म भर गिस। साउल हा गुनिस, “अब अउ ओला का चाहि, राज ?” ओ दिन ले साउल, दाउद म नजर रखे लगीस।




फेर, राजा साउल के मन हा परिसान होइस। तब दाउद हा गीत
बजा के ओला सांत करे अउ पीरा ला कम करे के परयास करिस।
तीन घा साउल हा दाउद उपर ओखर भाला ला फेंकिस। लेकिन

दाउद हा सबो बेरा बहांच गिस।

साउल, दाउद
ले उरात रहिस,

ओहा जानत रहिस कि यहोवा दाउद
के संग रहिस अउ साउल
ला तियाग दे रहिस।



लेकिन साउल के बेटा योनातान, दाउद ला एक ठन भाई कस परेम करत रहिस। "मोर ददा साउल तोला मारे बर चाहत हावय, ओहर दाउद ला चेताईस।" तेखर सेती दाउद भाग निकरिस। ओखर गोसयाइन हा ओखर बिछना म एक ठन पुतरी ला राख दिस अउ आधा रथिया म दाउद खिड़की ले उतर के भाग गिस। जब साउल के नउकर मन बिहनहा आइन त देखिन,

दाउद भाग
चुकय रहिस।



दाउद ला साउल ले अब्बड़ दुरिहा भागे बर परिस । भागे के
आघु ओहर योनातन के संग एक ठन वाचा बाँधिस । तेउन मन सब्बो
बेरा एक दुसर के मदद करय के वादा करिन । पछतात हवय, दुनो
संगवारी मन एक दुसर ला अलविदा कहिन । दाउद एक ठन अइसे
जघा के खोज म रहिस, जिहाँ ओहा साउल के सइनक मन

ला खोजवाय के
डर के बिना रहय ।



दाउद, एक ठन चरवाहा टुरा

इ कथा हर भगवान के बचन के द्वारा एक ठी बाईबिल


पाए जाथे ।

1 समुएल 16–20

"आप मन कर बानी हर एला अंजोर देथे ।"

भजन संहिता 119 : 130





समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

